



Hans Aronsen,
Inatsisartuni ilaasortaq

Ugguuna nassiunneqarpoq

Inatsisartut suleriaasianni § 37 naapertorlugu Kalaallit Nunaata Ammerivia pillugu apeqqtinnut nr. 015 - 2016 -imut akissutit

27-01-2016
Sags nr. 2016 - 1492

Inatsisartut suleriaasianni § 37, imm. 1 naapertorlugu apeqqtinik Naalakkersuisunut nassiussaqaarsimavutit, Kalaallit Nunaata Ammeriviata A/S-ip aamma Naalakkersuisut akornanni kiffartuussinermut isumaqatigiissut pillugu. Apeqqtitit uanga suliaasaqarfinnut akisassanngortinneqarsimapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Naalakkersuisut Great Greenland-illu amminik tunisinermut isumaqatigiissutaanni suna allannguutaava ukioq manna atuutilersup siornamut naleqqiullugu

Akissut:

Kalaallit Nunaata Ammerivia A/S ukiuni kingullerni aningaasaqarnikkut ajornartorsiorfiusumik inissisimasimavoq. Tamatumalu kingunerisimavaa ingerlatseqatigiiffik piffissami 2009-miit 2015-imut ilassutitut nammineq aningaasaatinut akiliutitut immikkut ittumik 65 mio. kr.-inik aningaasaliiffiqeqarsimammat, taakkunannga 2015-iinnarmi 15 mio. kr.-inik ilassutitut aningaasaliiffiqeqarsimalluni. Immikkut ittumik tapiissutitut suliffeqarfiup aningaasaliiffiqeqarnerata saniatigut suliffeqarfik amernik tunisinermut tapiissutinik kiisalu aamma ingerlatsinermut tapiissutinik katillugit ukiumut 26 mio. kr.-inik aningaasaliiffiqeqartarpoq.

Tabeli 1: Landskarsip Kalaallit Nunaata Ammerivianut immikkut ittumik aningaasanut nammineq pigisanut tapiissutai 2009 - 2014, mio. kr.-inngorlugit.

2009	2010	2011	2012	2013	2014	2015	Katillugit 2009 - 2015
8	12	8	12	5	5	15	65

Kalaallit Nunaata Ammerivia ukiuni kingullerni nunatsinni amernik tunisaqar-
tarnermigut kinguariartorfiusumik inissisimasimavoq, pisiumassuseq anniki-
lliartorsimammat, tamatumalu ilutigisaanik nunarsuarmiunut niuerfinni ukiut
siuliinut sanilliullugu unammilligassaqaarsimalluni. Puisit amiinik Kopenhagen
Fur-imi akitsortserussisarneq 2015-imi naammaginangilluinnartumik ineri-
artorfiusumavoq.

Ingerlatseqatigiiffiup inissisimanagera 2015-ip ukiaanili nalorninartorsiorfiu-simavoq, taamaattumillu Naalakkersuisut aalajangersimallutik ingerlatseqatigiiffiup ingerlaannarsinnaanera misissorneqassasoq.

Naalakkersuisut misissuineq pineqartoq tunngavigalugu ingerlatseqatigiiffiup siulersuisui suleqatigalugit aalajangerput iliuusissatut suliniutissat arlaqartut aallartinneqassasut, Kalaallit Nunaata Ammerivia niuernerpalaartumik ukiumoortumik tapiissutit iluanni ingerlanneqarsinnaalersinniarlugu.

Kalaallit Nunaata Ammeriviata piffissami matumani iliuusissanut pilersaarut annertoq ingerlappaa ingerlatseqatigiiffiup aningaasarsionera nappaqqinniarlugu. Tamatumunngalu atatillugu Naalakkersuisut ilalersimavaat suliniutissat arlalissuit ingerlanneqarnissaat. Suliniutissat taakkua kiffartuussinermut isumaqatigiissummi sammineqarput, Naalakkersuisut taakkua piviusunngortinneqarneranni malitseqartitsisinnaaqqullugit.

Allannguinerit pingaarnertut makkununga tunngasuupput:

- Aningaasartuutikillisaanikkut suliniutinik aallartitsineq aaqjissuussaaniikkullu ingerlatseqatigiiffimmi naleqqussaaneq, ilaatigut mersortarfiup ingerlanneqarnerani, aammalu tuniniaanermik ingerlatsiviup ingerlatseqatigiiffiullu aqutsisoqarnerata nukittorsarneqarnerat.
- Niuernikkut sassartaanerit arlaqartut aallartinneqarnerat aammalu piujuaannartitsinermik tunngavilimmik ingerlatsinermut allagartaliisalernissap anguniarneqalenera, kalaallit amiutaannut atatillugu.
- Amernik tunisinermut atugassarititaasunik allannguigallarneq.

Kiffartuussinermut isumaqatigiissut 2016-imoortoq ukiumut ataasiinnarmut isumaqatigiissutaavoq, siusinnerusutut ukiumut arlalinnut aaqjissuussisarneq atorneqarani.

2. Tusakkat ilumoorpat ammit tunisat aatsaat 4000 kr. sinnerlugit annertussuseqalerpata tunisisunut akiliutigineqarsinnaappat? Tamanna sumik peqquteqarpa sunalu siunertarlugu taamatut aaqqiisoqarpa?

Akissut:

Naalakkersuisut iliuusissanut ilassummik suliaqarnerminni assut pingaartissimavaat piniartut puisit amiinik tunisaqartarnermikkut aningaasatigut isertitaqarnissamut periarfissaqaannarnissaat. Puisit amiinik tunisinermi tapiissutinik pissarsiaqarsinnaanermut 2016-imi piumasaqaataavoq piniartup pineqartup piniartutut inuussutissarsiummut allagartaqarnera, kiisalu uani ataani piumasaqaatinik naammassinnissimanissaa:

- Ukiuni 2013-2015-imi ukiumut puisit amiinik 4.000 kr.-it sinnerlugit naleqartunik tunisaqartarsimanissaq.
- Piniartoq ukiumi akileraarutininik naatsorsuiffiusumi kingullermi amernik tunisaqartarsimappat tunisinermut tapiissutit agguaqatigiissillu piniartup isertitaasa 2 % -iat sinnerlugu annertussuseqartumik, sumiiffimmi piniartup najugaqarfigisaani.
- Puisit amiinik tunisaqartarsimassasoq minnerpaamik 4.000 kr.-it nalinginut 2016-imi.

Aalajangersakkat pineqartut siunertaqarput piniartunut inuussutissarsitutit isertitani annertuumik pingaaruteqartumik annertussusilinnik puisit amiiniit isertitaqartartunut puisit amiinik tunisisarnermut periarfissaqartitsinnarnissaq. Piumasaqaatit taamaasillutik killilinngilaat piniartut annikinnerpaaffissaasut aalajangerneqartunik isertitaqartartut. Immikkoortup siulliup qularnaarpaa piniartut tamarmik puisit amiiniit nalinninnaasumik malunnaatilinnik isertitaqartartut sulii puisit amiinik tunisaqartarnissaat. Immikkoortup aappaata qularnaarpaa piniartut sumiiffinni isertitakiffiusuniittut 4.000 kr.-it ataallugit tunisaqartarnerminnit puisit amiinik tunisinermi tapiissutininik pissarsisinnaaginarnissaat. Immikkoortullu pingajuata qularnaarpaa nutaamik piniartunngortut inuussutissarsiummut isersinnaasut 4.000 kr.-it nalinginut tunisaqarnikkut. Taamaasilluni taamaallaat piniartut assut annikitsumik piniarnikkut ingerlataqartut tunisinermi tapiissutininik pissarsisinnaangillat. Tamannalu pissuteqarpoq kissaatigineqarmat sunngiffimminni pinialuttartut puisit amiini tunisinermut tapiissutininik pissarsisinnaanginnissaat.

Allatut oqaatigalugu inuussutissarsitutigalugu piniartunut killilersuisoqanngilaq, taakkua maannamusut tunisisinnaatitaassapput. Nutaartatuaasut oqaatigineqarsinnaavoq piniartut nutaat taamaallaat tunisisinnaatitaassammata ilumut piniartut inuussutissarsiorinarunik, sunngiffimmilu pinialuttartuunatik, ikittuaraannarnik tunisaqartartut.

3. Ukioq manna ameerutit 4.000,- inorpatigit taava tiguneqarsinnaangillat?

Akissut:

Naamik tamanna ilumuunngilaq, takuuk apeqqummut 2-mut akissut, taanna naapertorlugu inuussutissarsitutigalugu piniartunut tunngaviusumik killiliisoqanngilaq. Piniartulli nutaat takkussinnaasut taanna qaangertariaqarpaat.

4. Natsiit tunisaanerat matoqqapput Ilulissaniik – Qaqortumut. Kangerlummi Qeqertarsuarmi natseqarluartartuni ilami Diskobugtimi ukiuunerani

natseqartartumi aalisarnerup akunnassinerani natsiup ameerniarsinnaasut mattunneqarput, tassani suna pissutaava?

Akissut:

Kalaallit Nunaata Ammeriviata siusinnerusukkut kiffartuussinermut isumaqatigiissutaani aalajangerneqarpoq ingerlatseqatigiiffik tunitsivinnik 32-nik ingerlatsissasoq. Kalaallit Nunaat Ammeriviata siusinnerusukkut aalajangersimaglualarpaa tunitsiviit 44-uunissaat, tamannali ingerlatseqatigiiffimmut annertuisanik aningaasartuuteqartitsisarsimavoq.

Kalaallit Nunaata Ammerivia nutaamik kiffartuussinermut isumaqatigiissuteqarnermini Naalakkersuisunik isumaqateqarluni 34-nik tunitsiveqarnissaq toqqarsimavaa. Tunitsivinni maanna ammasuni periarfissaqanngilaq natsiit amiinik tunisisarnissaq, Aasianniit kujammut Qaqortoq tikillugu. Taamaattoq suli Kangerlummi natsiit amiinik tunisinissamut periarfissaqarpoq.

Taamatut aalajangernermit tunngaviuvoq Avannaani aamma Tunumi natsiit amiinik tunisinissamut periarfissaqartitsinissaq qularnaarniarneqarsimammat, aataanik piniarnissamut periarfissaqarpiangitsuni. Natserilli amiinik Aasianniit Qaqortoq angullugu tunisisarneq ukiut siuliini annikitsuaraasimavoq.

Pissusissamisuusaaq erseqqissassallugu Aasianniit Qaqortumut tunitsiviit suli aataat amiinik pisisarmata.

5. Natsiup amii 225 kr-lugit tigooqqarneqarpata, tiguisup ameq aggoriarlugu igiinnartarpa, tamanna ilumoorpa?

Akissut:

Piffissami matumani Kalaallit Nunaata Ammerivia natserit aminnik toqqorsivimmiittuuteqarpoq ukiut arfinillit ingerlaneranni tunineqartarsimasut amerlaqataannik, ilaatigut maanna pisiumassuseq annikitsuarsuummat. Kalaallit Nunaata Ammeriviata aningaasaqarnera millionilinnik eqqorneqassaaq natserit amii suli amerlanerusut suliareqqinneqartassappata, toqqorsivimmullu iliorarneqartassappata. Taamaattumik immikkut 2016-imut atatillugu aalajangerneqarpoq natserit amii Qaqortumut assartorneqartassanngitsut, suliareqqitassanngorlugit. Illuatungaani periarfissat nalunanngillat. Ammit ingerlannaq kaseerneqarsinnaapput, - imaluunnit aningaasartuuteqartoqaqqissinnaavoq, kingusinnerusukkullu kaseerneqartassanngorlugit. Suliniutit aallartinneqarsimasut kingunerissavaat Kalaallit Nunaata Ammervianiittuutit natsiit amii amerlaqisut ikiliartussammata.

Naalackersuisut isumaqarpoq natsiit amiinik 2016-imi suliareqqiisarnermik unititsigallarnek aningaasarsiornikkut, avatangiisinut piujuaannartitsisumik ingerlatsinermut, inuiaqatigiinnullu silatusaarnerusoq akuerineqarsinnaallunilu, maanna natserit amiinut toqqorsivimmiittuutitut amerlalluinnartunut sanilliullugu. Natserit amiinik piniartut tunisisinnaanermut periarfissaat ajorseriartinneqanngilaq, suliareqqiisarnermik unititsigallarnek.

Inussiarnersumik inuulluaqqusillunga

Med venlig hilsen



Randi Vestergaard Evaldsen